

(«wado elle aban gurra»)



Wado abam maxiqta cagal leey taahirik tani akke waytek, woh baaxol raqte leey asliik Yalli tet elle ginennal tani kinni, hinnay bisuuy suruyuuy tami inkih kak milaggoowe wee lee taahirik taniimit, wohuk ceelallo aracal abte raagah milaggowte lee.

- Karaaha le xabbocoowe kee aniqnee takke leet waddoo waanam, kaadu wadoh addat yaabaanam karaaha le.
- Dago lee najaasintah najaasa tet xagta waqdiik, maggo leeh tu gactekii xayyos-su heenik 210 litri takke, toysa manajaasimta, bisuu kee suruyuuy tami kak milaggowek koh raquh, too waqdi is najaasintah.




Wado bismillah axcuk qimbisam kakanu le, gabak mogoy kaqlisam kulli wadol kaadu, kacni kak diggale gaba sidiicadda kaqlisaanam barti xiinik ugtan waqdi.


- bismilla hawweenek wado kaak tamqeh, wadok addat kassitek bismillah iyyay, wado mayay qussuba.
- Karaaha le wado sidiica addak ussaanam wado xagar inkih kaqlisa waqdi.




Tohuk lakal af ruka inki adda, kaadu raqmali lee afak addal esgeyyi haam, sidiica adda rukaanam kakanu le. • Afti ruko matamqa ama elle warisne gurra akke waytek. • Karaaha mali afti rukollee yanxuqem. • Kakanu le af rukan waqdi qadaytu haysitaanam. • Kakanu le gaaboysaanam afti rukoo kee sanat lee ruubaanam inki quktot, gabat yukkuqe leek garabat af ruka raqtem sanat ruuba.



Tohuk lakat sanat lee ruubay inki adda, kaadu raqmali lee ufuyut hirgam isi sonkoroocuu fan sidiicadda ruubam kakanu le. • Sanat lee ruubaanam matamqa ama elle warisne gurra akke waytek. • Lee sanat migdi gabah culsaanaah, guri gabah yayyaaqeenim kakanu le. • Kakanu le lee caddo gudduysaanam afti rukoo kee sanat ruban waqdi soomuh Yan num koh raquh




Tohuk lakat isi fooca kaqlisa woh migdi aytiy guri ayti fana garbabbuh ,kaadu amok xogor elle yaabuke ikke, qarsaak deben fanah xexxertih. • Waajib kinni deben tukqaanam amaggee week, kaadu kakanu le yemeggek Tukqaanam. • Fooca kaqlise waanaah duugaanam maxiqta kaqalsoleh af-tok. • Kakanu le yaysukumeenim afti rukoo kee sanat lee ruubaanam fooci kaqalsok. • Karaaha le intik adda kaqlisaanam focallih. • Kakanu le lee osissam fooci kaqalsol caddok edde tatre kalah.



Tohuk lakal namma gaba kaqlisa feeraarik exxaaxiiy ilaa cusulu fanah.

- Namma gennaqta kaqlisam kakanu le wado qimbisa waqdi takkel waajibi.



Tohuk lakal amok iro inkih duuga foocaak derre fan, derreek fooca fan amok, tu kak macaba amo inkih duudussu haa, {woh qarsaak derre fana }. Tohuk lakal namma cangoyseena aytiik namma boohat culsaah tet edde duuga, namma kaxxa gilit aytiik derre duuga, elle duuginnaan gurral duugay.

- Amo xagar duugaama amol xogor aalle week. Raqmali foocak xagar duugam, • xogor kee namma aytiik fan, woh kah kinnim amo migaaqak mayawqan. • Karaaha le amo duugo gacaa gacsaanam inki adda akke waytek.



Tohuk lakal namma iba kaqlisaama xokcuno luk.

Sharti kinni: itta kattay saanam wado xagar, afti rukoo kee sanak qimbisak kaadu fooca kaqlisa, wohuk lakal namma gaba kaqlisaah amo duuga, tohuk lakal namma iba kaqlisa.


Sharti kinni itta katay saanam ama xagarih fan, xagar kaqalso udurruse waama naharsi xagar kaffa iyyam fanah.

*Wado xagar kafsaanam wado lakal xiqtah, kinnih immay cabaanam aysuk Raqta. kaadu karaaha le wado lee xagarak rifaanam. * Wado matamqa wado xagar inki adda kaqliseenik, wohuk ceelallo leet kumaama wado edde niyaatak. * Sunna kinni wado lakal iyyam : **ash-hadu allaa ilaaha illallaah wacdahuu laashariika lahuu, wa ash-hadu anna mucammadan qabduhu warasuuluh, tohih lakal Namma rakqat abaama.**

Salat weelo



Sooleeh salat abam faxa waqdi, **Allaahu akbar maxcok qimbisay**, imaam fayya tet haay kaadu raqqa itta tak biiratwa fayya haay. Kay lakat yan mari yaabbem keh, imaamak kalih mari addah haay, namma gaba fayya haay feeraari itta fan abbaxuk takbiirat al icraam qimbisa waqdi namma sunkul massossu haak, maamunti imaam takbiiratak gaba kala waqdi, qimbisay takbiirat. * Salat abe soolol karerri iyyam waajibi. Takbiirat al icraam baaha waqdi, takbiirat al icram qunuunak hinnay daffeyak abam kaah maxiqta soolok taanime sahdayu akke waytek. * Kacanu le foocak reebu haysitam edde xayyowwu iyyeh, koh xiqtah imaam katattek usuk suturi koh yakkem, kok fooca tatraanam kaltam mali woo waqdi salaataat anuk. * Maxcoh yan rukni kee waajibih yanil xongolo fayya haay isi nafsi oysobbu haah gide, sirrit elle aban salat takkeway woh takbiirat al icram.inna. xongolo addah haanamak dagna isi nafsi oysobbu haanama. * Salat addat walilliqsime waama, kaadu qaran wagte waama inti alfe waama, kaadu gaba kumbuuqusee kee axcal hee akke waama, caagid maleh (quzri maleh) salaataat anuk inki ibah soole waay, hinnay namma iba ittataat kafsee kee hinnay mangom sittak fake waay.



Migdi gabat guri gabah mansayya yabbaxay, too waqdi aliilik gubal tet haay, kaadu suduud arac wagitay, iftitaac dooqa abay sunnal kah temeete innah. tohuk lakal aquuzu kee bismilla yakriye tamaa tookomem inkih fayya mahaa, tohuk lakal **alcamdu** « faatica » kee kaah xabbacowtem yakriye qhuraanak, imaam qhiraate faya haa subci salaatal kaadu maqhrub kee qishak naharsi namma rakqatal fayya haa, wohuk raqteh taniimil fayya mahaa.

* Inki rakqatal faatica gacan gacsanam karaaha le, kaadu karaaha le dibuk teetil yayxuxeenim naharsi namma rakqatal. * Maamuntal ma waajibta kiraate imaam fayya elle haa rakqatittel usuk kaak yakkuqe kiraate, kinnih immay maamuntah kcanule imaam tibbi elle iyya aroocal yakriyem faatica. * Karaaha mali inki suura namma rakqatal yakriyem, namma rakqatal inki suura

baxsam, kee hinnay inki rakqatal maggo suura yakriyem, hinnay suurak elle cabo kee gude yakriyem kaltam mali, hinnay aka suura yakriyem kaah xiqtaamih niyal. inki suura elle yikriyek xiqtah. * Kacanu le yakriyem suuraari itta elle kataytannal kitaabal, tamanna kalih gurrak yakriyeenim karaaha le. Kaadu caraamu irok addah yakriyem maxcooca tartiibil hinnay aayoota inki suura addal yakriyem.



Tohuk wadir gaba fayya haak Allaahu akbar axcuk **rukuuq aba** namma gaba namma gulubul haa ken yabbixeh innah, feeraari fakaah xiiron rubbu haa amo kaal massossu haa, amo addah hinnay iroh mahaa, tohuk wadir iyyah subcaana Rabbiyal qaziim, inkittol yayxuxem karaaha le, duddak dagna sidiica adda iyyaama.

* takbiirat al icraam kee samiqaallah liman camidah ittam Waajibi, oobiyya kee mawuqul, amahak nahar kee lakal abtam maxiqta tet adda akke waytek, toh kah kinnim aka taamah arac tekkek sa. * Rukuuqul imaam eleltek rakqat eleltah, raq mali imaam amo fayya heekal kaallih idiyyi ittam rakqat koh yamquh. * Salat abam faxak masgiid cule kii, iimaam rukuuqul amo fayya heeh sugekii, tohuk wadir kcanu kaah le cule numuh, kaalluk culaah kaa kattaatam, too rakqat elle cabol gacsitah. * Suduud kee rukuuqul qhuran yakriyeenim karaaha le, woo qhuraanat dooqa edde faxxek koh raqtuh, woh kaltam mali, wohih ceelo : rabbanaa aatinaa fiddunya casanatan wafil aakirati casanatan iyya aayatih innah tan aayatwa.



Tohuk wadir rukuuqul amo fayya haa: **samiqa -llaahu liman camidah** axcuk. Namma gaba fayya haak, soolol missowwu iyya waqdi, **Rabbanaa walakal camdu**, camdan kasiiran tayyiban mubaarakan fihi iyyay; Mil ussamaawaati wamil ul ardi, wamil u maa shiita min sheyin baqdu.

* Salat abe tet axce waay: Rabbanaa walakal camdu rukuuq lakal sollu missowwu axce kal, soolok naharal axce waama, teetik arac soleek gamada. * Rukuuqul amo fayya haa waqdi namma gaba dagaak rubaam kaah xiqtaah, aliilil haam kaah xiqtah, migda gurak amol haak. * Alcamdu Lillaah maxcooca ferey takke, Yallih farmoytak elle dabaqtennal racmat kee nagaynan kay amol tanay, too maxcooca ah teeti:

1-Rabbanaa walakal camdu ittaama. 2- Kaadu Rabbanaa lakal camdu. 3- Allaahumma Rabbanaa walakal camdu. 4- Allaahumma Rabbanaa lakal camdu, kcanu le ama dooqak tiyaay waqdi teetik ittam.



Tohuk wadir **sujuuduh oobaama Allaahu akbar axcuk**, namma tobdo namma masangalek fakka haak, kaadu bagu namma deeqarek fakka haay, kaadu namma deeqare namma sarbak fakka haama, namma gaba sunku massal haama, kaak takkeemi namma ibih feeraari kee namma gabah feeraari kiblata fan yay fukunay, too waqdi iyyay: **subcaana rabbiyal aqlaa** sidiica adda iyyaanam sunna; kaadu ossam leh hinnay wohuk kalah temeete dooqaalik garab abay. * Naqabule namma suculuh gacaanam sujuudu aban wak. * Namma sucul namma masangalek baxsam kcanu le, isik garit yan numuh aza akke week namma sucul namma xiiqarel hayya haam kaah

xiqtah sujuudut kibu sugek. * Suduud malcina xagarah yakkem waajibi : toh namma ibih feeraari kee namma gulubuy, kaadu namma gabak namma gennaqtaay qarsaa kee sana, salat bayah ama xagar loowitik baaxo xagissam cabtek suduudul.



Tohuk wadir **sujuuduk moyya fayya haa Allaahu akbar axcuk**, too waqdi daffeyah namma suduudih fanat aban daffeyna namma gurray meqe le. 1- guri iba fidsaah kaal daffeya, migdi iba soolisaah feeraari fayya haa kiblata fan yay fukkune. 2- Namma iba kee ken feeraari soolisah, kiblata fan ayfukkunak namma xibqil daffeya, too waqdi **Rabbi aqhfir lii** sidiica adda iyya, kaadu ossam leh ; warcamnii, wajburnii, warfaqnii, warzuqhunii, wansurnii, wahdini, waqaafinii, waqfu qannii, tohuk wadir namme hayto sujuud naharsittu elle abennal abay, tohuk lakal moyya fayya haa Allahu

akbar axcuk, too waqdi soolay ibal kelitak, nammay hayto rakqat naharsi rakqatih innal abay.

* Naharsi rakqat kee sidocayto rakqatak sooltak naharat dagom daffa itteh soltaama , "istiraca daffeyna teetik iyyan" namma suduudih fanat aban daffeynak daggossu hayteh, tohuk wadir soltaama teetik ugta waqdi Allahu akbar axcuk ; namme hayto takbiirat kah abtam matan solta waqdi.



Namma sujuuduk gaba kalta waqdi, naharsi attaciyyah daffey guri ibak bagul daffeyak, guri gaba guri deeqareh bagul haay, wonnah kaadu migdi gaba migdi deeqareh bagul haay, migdi gabah namma feera xambaqay, qunxa feeraa kee tet maqanxa, kaxxa gili kee gude feera maroh yabbaxay, cangoyseyinat ascossi abay : woh shahaadata too waqdi attaciyya iyya : attaciyyaatu lillaahhi wassalaawaatu wattayyibaatu Tohuk wadir sidoc yakke salat kee ferey yakke salatah **Soola** Allaahu akbar axcuk. Kaadu namma gaba fayya haak, salaatak raqtem ta koh elle tatur

tennal abtaama, koh raqtuh elle cabo rakqatittel kiraate fayya mahayta, faatica takriye dibuk.

*Kacanu le attaciyyal yan waqdi migdi cangoysimeena fayya haak tet wagtam.

* Kacanu le attaciyyal yanin waqdi migdi cangoysimeena dagoo goda bahsiisanam.

* Kacanu le daffaynat kibu suge waanam attaciyyak gaba kaleeniksa.



Tohuk wadir **ellecaboh attaciyyah daffeya**, xoggah daffeyak, ama daffeyna saciicik yan sidiica gurra le. Xoggah madafeya elle cabo dafeynak sa salaattitey namma attaciyya addal kak tani kinni, **tohuk wadir attaciyya iyya attaciyyaatu lillaahi...**, tohuk lakal Yallih farmoytal racmat oobisa. Iyyah : **Allaahumma salli qalaa Mucammadin waqalaa aali Mucammadin...** tohuk lakal isih faxa dooqa aba.

*Xoggah elle daffeyan gurra: 1. guri iba fidsaah migdi tattabah fan tayyaaqe sarbak gubak migdi iba soolisak salaf baaxol

*haak. 2. naharsi gurra immay migdi iba baaxol haa. 3. kaadu naharsi gurra immay guri iba sarbaa kee deeqarek fanal haa.

Tokkel kcanu le Yallih farmoytak temeete dooqak tu abam, wo dooqa ahteeti : aquuzu billaahi min qazaabin- naar, wa qa zaabil qhabri, wafitnatil macyaa wal mamaati, wa fitnatil masiici dajaal. Woo dooqat edde tan kaadu Allaahumma innii zalamtu nafsi zulman kasiiran, walaa yaqhfiru zunuuba illa anta faqhfir lii maqhfiratan min qindika, warcamnii innaka antal qhafuurur- raciime. * Naqabu le nagabah yandiidenim attaciyya dafeynal yanin waqdi quzri yanek koh raqtuh.



Tohuk wadir namma salaamat aba, migda fan wagitak iyyah: **assalaamu qaleykum warac matullah; kaadu gural tonnah aba**. Salaamat gacissi haa waqdi Yallih farmoytak temeete dooqa abay usuk daffeynal anuk salat elle abekkel.

Kacanu le salaamat aba waqdi migdaa kee gural waktam, migda fan gacisay salaamat gurak naharal, salaamat gura yaysuku * meenim karaaha le. * Karaaha le gaba migdak gural yas gayyeenim, hinnay fayya tet haanam salaamat aban waqdi.